



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-538-3/23**
Datum: **04.01.2024.godine**

„Agencija za vodno područje rijeke Save“ Sarajevo rješavajući po zahtjevu investitora OD „MELI“ vl. Nihad Otajagić, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u Pazariću, općina Hadžići, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Investitoru OD „MELI“ vl. Nihad Otajagić, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u Pazariću, općina Hadžići, kapaciteta 23 000 pilića, na zemljištu označenom kao k.č. broj: 353/1 K.O Resnik, općina Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik OD „MELI“ vl. Nihad Otajagić izgrađeni poslovni objekat za uzgoj pilića sa pratećim objektima, održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.2. Da se zbrinjavanje otpadne vode od pranja objekta i opreme za tov pilića vrši u izgrađenoj vodonepropusnoj septičkoj/osočnoj jami bez preliva.
 - 3.3. Čišćenje septičke jame i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.4. Da se spriječi nekontrolisano rasipanje tečnog i krutog otpada po okolnom zemljištu, te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.5. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.7. Otpad koji nastaje u postupku rada farme za uzgoj pilića, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.8. Da se privremeno i konačno zbrinjavanje otpada uginulih pilića i drugih nusprodukata koji nastaju u postupku rada farme za uzgoj pilića, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.9. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
- 3.10. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Investitor OD „MELI“ vl. Nihad Otajagić zahtjevom bez broja od 28.11.2023. godine obratio se ovoj Agenciji, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u Pazariću, općina Hadžići, kapaciteta 23 000 pilića, na zemljištu označenom kao k.č. broj: 353/1 K.O Resnik, općina Hadžići.

U provedenom postupku dostavljena je i pregledana sljedeća dokumentacija:

- A. Opšta dokumentacija
 - Uvjerjenje o registraciji/upisu u Jedinstveni registar obveznika neizravnih poreza broj: 04/1-17-1-UPJR-1-3591-2/12 od 05.07.2012 godine, izdatog od strane Uprave za indirektno-neizravno oporezivanje Banja Luka -ovjerena kopija,
 - Ovjerena kopija Uvjerjenja o poreznoj registraciji donesenog od strane Porezne uprave - Kantonalni ured Sarajevo dana 25.06.2012. godine,

- Rješenje o obrtničkoj djelatnosti broj: 04-21-1-2750/15 od 16.09.2015 godine izdato od strane Službe za privredu, finansije i inspekcijski nadzor, Općina Hadžići,
- Rješenje o promjeni namjene objekta broj: 07-23-4-3960/2017 od 20.12.2017 godine izdato od strane Službe za prostorno uređenje, urbanizam i građenje, Općina Hadžići-kopija,
- Rješenje o upotrebnoj dozvoli broj: 07-23-4-2742/2015 od 22.08.2015 godine izdato od strane Službe za prostorno uređenje, urbanizam i građenje, Općina Hadžići,-kopija,
- Rješenje o upotrebnoj dozvoli broj: 07-23-4-3996/2017 od 10.01.2018 godine izdato od strane Službe za prostorno uređenje, urbanizam i građenje, Općina Hadžići,-kopija,
- Rješenje o vodnoj dozvoli broj UP-I/25-3-40-568-3/18 od 26.12.2018 godine izdato od strane Agencije za vodno područje rijeke Save, Sarajevo,
- Rješenje o okolinskoj dozvoli broj: 05-23-610/17 od 04.05.2017 godine izdato od Ministarstva privrede Kanton Sarajevo,
- Rješenje o vodnoj dozvoli broj: 07-05-25-15803/18 od 11.05.2020 godine od strane Ministarstva privrede Kanton Sarajevo,
- Ugovor o pružanju usluga pražnjenja septičke jame zaključen sa JKP „Komunalac“ d.o.o. Hadžići,
- Kopija uplatnice administrativne takse,
- Rješenje o veterinarskoj saglasnosti broj: 07-06-24-1843 od 24.04.2013 godine od strane Ministarstvo privrede Kantona Sarajevo
- Ugovor o čišćenju i odvozu sadržaja sabirne i septičke jame od strane KJKP „Vodovod i kanalizacija“ d.o.o. Sarajevo-ugovor nije važeći

B. Tehnička dokumentacija

- Glavni projekat prenamjena dijela objekta, sprat-farma za tov pilića u naselju Osenik, općina Hadžići, investitora Nihada Otajagića-OD „MELI“, urađen od strane „DVOKUT PRO“ d.o.o. Sarajevo, broj: GP-044-04/16, mart 2017. godine (uvid u projekat prilikom uviđaja).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-538-2/23 od 28.12.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Farma za tov pilića, kapaciteta 23000 komada tovnih pilića, sa pratećim sadržajima (manipulativni prostor, uređaj za prečišćavanje otpadnih voda i sl.), izgrađena je u Pazariću, općina Hadžići, na zemljištu označenom kao k.č. broj: 353/1 K.O Resnik, općina Hadžići.

Kapacitet farme je 23 000 pilića po turnusu.

Prilikom uviđaja utvrđeno je da u tehničko-tehnološkom smislu, obimu i uslovima snabdijevanja, načinu prikupljanja i zbrinjavanja otpadnih voda u predmetnom poslovnom objektu, pravnog lica nije došlo do promjena od izdavanja navedenog Rješenja o vodnoj dozvoli.

Na predmetnoj lokaciji se nalaze sljedeće cjeline: prostor za uzgoj pilića u prizemlju i potkrovlju, objekat namijenjen za smještaj uposlenika sa sanitrnim čvorom i gardarobom, kontrolna soba, spremište hrane, mjesto za agregat, kotlovnica, septička/osočna jama, prostor za privremeno odlaganje krutog otpada, manipulativne površine i dr.

Tehnološke otpadne vode na farmi za tov pilića su otpadne vode koje nastaju čišćenjem i pranjem podnih površina. Ove vode se prikupljaju u objektima i kanizacionim cijevima odvođe u vodonepropusnu septičku/osočnu jamu bez preliva koja zadovoljava potrebne kapacitete i režime pražnjenja iste od strane ovlaštene firme a prema sklopljenom ugovoru. U osočnu jamu se dovodi i procjedne vode iz đubrišne jame.

-Krutu otpad (prostirka) iz objekata farme za tov pilića se privremeno skladišti u đubrišnu jamu te nakon procesa zrenja koristi u poljoprivredne svrhe.

- Investitor posjeduje projektnu dokumentaciju a prilikom uviđaja izvršen uviđaj u istu.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, OD „MELI“ vl. Nihad Otajagić, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada poslovnog objekta –farme za uzgoj pilića u naselju Osenik u Pazariću, općina Hadžići, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Ahmedić Behija dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- OD „MELI“ vl. Nihad Otajagić, Pazarić, Hadžići
- ⊕ AVP Sava, ISV – Vodna knjiga
- Sektor 50
- Sektor 40, arhiva
- Oglasna tabla AVP-Sava Sarajevo